



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Edictvm De aedibus, & habitatione ecclesiasticorum.

urn:nbn:de:hbz:466:1-11399

Ambrosiani varietate diuersis temporibus non rectè à nonnullis Sacerdotibus priuatim introductam, ad ritum accommodari volumus, quem clarissimi diuinorum officiorum scriptores docent; & Theodorus in primis Archiepiscopus prædecessor noster, qui eiusdem Ambrosiani diuinarum precum officij nocturni matutiniq; partes piè & eruditè explicauit luculenta mysteriorum interpretatione.

Hoc igitur Breuiarij opus demum diuinæ pietatis abundantia confectum, & ritui veteri accommodatum, & quod adlectiones sacræ scripturæ attinet, cum ratione, canone, atque instituto antiquo huius nostræ ecclesiæ congruens, cæterisque partibus absolutum, in lucem emitti iussimus.

Quare vniuersis & singulis ecclesiastici ordinis hominibus, etiam Regularibus, qui iure instituto, consuetudine, constitutione, decretove nostro, aut alia quacunque ratione, causaue, Ambrosiano more diuina officia obire debēt, ijs edicimus, & in virtute sanctæ obediētie iubemus, præcipimusq; , vt ad huius Ambrosiani nostri Breuiarij præscriptum canonicas horas, diuinumq; officium deinceps perpetuò, tā publicè quā priuatim præstent. Quòd si quis secus fecerit, cum eum canonicarum horarum officio quod debet, non satis facere declaramus; tum peius affici sancimus, quæ Lateranensi Concilio à Leone X. Pont. & alijs sanctionibus Pontificijs, ac provincialibus Synodis Mediolanensibus contra clericos constitutæ sunt, qui canonicarum horarum officia intermittunt.

Illud autem eos vniuersos singulosq; hortamur, ac monemus, vt diuinæ charitatis studio incensī, ita se in huius Breuiarij vsu exercent, vt quod ore psallunt, mente spiritusq; idem intimè psallant: sicq; toto animo suæ pietatis fructus in dies vberrimos à Deo percipere studeant, intercedente beatissimo patre Ambrosio, in cuius ecclesia ipsi ministrant.

Dat. Mediolani 8. Idus Septemb. 1582.

EDICTVM

De ædibus, & habitatione ecclesiasticorum.

I O. BAPTISTA CASTELLIVS
I. V. D. Protonotarius Apostolicus Illustriss. & Reuerendiss. in Christo Patris, & Domini, D. Caroli Præbiteri Cardinalis Borromæi nuncupati, S. Mediol. Eccl. Archiep. Vic. gen. &c.

Vt ea quæ in Concilijs Mediolanensibus sancita sunt, de clericis vnà cū laicis, aut in laicorum ædibus non habitandis, exactius executioni mittantur quæ hucusq; missa sint: Edicimus, ac iubemus, quòd à festo Sancti Michaelis proximè venturo in antea, personæ aliqua ecclesiastica non audeat neque præsumat habitare in domibus laicorum, etiam consanguineorum, aut affinium, quouis consanguinitatis, aut affinitatis gradu coniunctorum, sine nostra speciali in scriptis licentia.

Quòdq; omnes & singulæ personæ ecclesiasticæ cuiuscunque qualitatis, dignitatis, & gradus, habitantes in domibus cōductis, debeant per totum præsentem mensem Iulij, in manibus R. D. Ferrandi della Croce, Archidiaconi Mediolanensis, detulisse eorum nomina, & cognomina, ac locum habitationis eorum.

Et quòd omnes & singulæ ecclesiasticæ personæ habentes domos ecclesiasticas locandas, intra decem dies proximos præf. Archidiacono notulam deferant eorum domuum locandarum, aut earum partis, vel solitarum locari, cum qualitate, & situ earum.

Quòdq; intra præsentem mensem debeant cum effectu denunciasse, & excusasse omnes & singulos laicos è domibus ecclesiasticis, quas ipsis locarūt; nec illas in posterum eisdem, aut alijs locare absque nostra in scriptis speciali licentia, etiam quòd pars domus locadæ, aut eades ipse totaliter essent segregatæ à domibus, aut cubiculis, quæ ab ipsis personis ecclesiasticis inhabitantur.

Præterea etiam de mandato prædicti Illustriss. D. Cardinalis annullamus omnes facultates cuiuscunque personæ ecclesiasticæ etiam per Illustriss. Dominum

concessas, vt in laicorum edibus, aut vna cum laicis habitare possint, nisi intra quindecim dies proximos à nobis confirmationem obtinuerint.

Declaramus tamē, nos illos, qui alijs edictis nostris, & decretis Synodalibus super his omnibus aut singulis alijs statutis & publicatis non paruerunt, à pena in quam ob id inciderunt, non liberare, nec absoluerē.

Qui prescripto tempore conductori laico non denunciauerint, vt è domibus ecclesiasticis conductis prædicto tempore discedat; mulctetur tãtã pecunię summa, quanta quolibet anno ex affectu domus Ecclesię suę locatę percipere solet, aut potest.

Si verò contra presentis edicti tenorē, ecclesiasticas edes locare ausus fuerit, locatio irrita sit & nulla; neque conductori ex ea aliquod ius acquiratur, tanquam ex ea, quæ facta sit lege prohibente; Clericis verò affectū amittat, & locis pijs applicetur, insuperq; mulctetur, & puniatur ad nostri arbitrium.

Qui verò contra alia in hoc monitorio nostro comprehensa commiserit, penam, & mulctam arbitrio nostro subeat.

Et vt hæc nostra, quas vim edicti publici habere decernimus, ad omnium notitiam verisimiliter peruenire valeant; volumus, & mandamus ipsas affigi valuis Ecclesię Mediolanę. Palatii Archiepiscopus, & Ecclesiarum collegiatarum S. Ambrosij, & S. Marię della Scala Mediolani; atque eas ita affixas arctare omnes & singulos supra nominatos decernimus, ac si eis omnibus & singulis presentes nostrę literę personaliter fuissent intimatę. In quorum testimonium presentes fieri iussimus; & sigilli nostri impressione maniri; de qua-

rum affixione, positione, & dimissionē, relationi cuiuslibet nūcij in hac parte nostri plenam dabimus fidem.

Dat. Mediolani die 12. mensis Iulij. 1569. Indictione 12.

Edictum de residentia.

Carolus Borromeus miseratione diuina S.R.E. Tit. sanctę Praxedis. Presbyter Cardinalis, Archiepiscopus Mediolani.

QVONIAM multorum, qui curata cuiusvis generis beneficia, officia, ve ecclesiastica, Preposituras, atq; alias ecclesiasticas dignitates obtinent, in ijsq; residere iure vel consuetudine debent, ea est contumacia, vt neque veterum Canonum, concilijq; Tridentini decretis, nec Pij Quarti Pontificis Maximi constitutione, nec postremo Sanctissimi D.N. Pij V. iussu, neque edictis præterea nostro nomine promulgatis adduci potuerint, vt beneficiorum suorum residentię quam debent presentes satisficiant; cumq; id nos pro nostri Archiepiscopalibus muneris ratione diutius ferre uullo modo possimus, nec sanè debeamus; ad vltima quidem remedia descendere cogimur.

Quamobrem hoc nostro edicto, omnes & singulos, quicunque in nostra Mediolanensi & ciuitate & diocesi beneficia eiusmodi in titulum vel commendā habent, vehementer hortamur in Domino, requirimus, ac semel, iterum, & tertio, hæc; trina monitione præmissa monemus, præcipimusq; , ac mandamus; vt si in prouincia illi sunt ad duos menses, quorum 20. dies pro primo, alios deinde 20. pro secundo, tum reliquos 20. pro tertio & peremptorio termino ipsi assignamus; si extra Prouinciam, ad tres, vnum pro primo, alterum pro secundo, tertiumq; mensem pro tertio item & peremptorio termino, ad sua beneficia se conferant, atque in ijs quemadmodum sacro Tridentino concilio sanctum est, assidue residendo; nusquam inde discedat, nisi à nobis permilla sibi in scripto huiusce rei facultate.

Quod si qui salutis suę immemores, hoc ipso tempore quod ad residendum præscriptum, ad suorum beneficiorum residentię non accesserint; aut sine nostra in scriptis pmissa facultate inde postea discedentes, amplius duobus mensibus sine continuatis siue interruptis in anno ab-

fucriat